



# **JABATAN AGAMA ISLAM WILAYAH PERSEKUTUAN**

## **TEKS KHUTBAH**

**Tajuk :**

**KELUARGA BAHAGIA DAMBAAN SEMUA**

**Tarikh Dibaca :**

**18 Rabiulawal 1441H/  
15 November 2019M**

**Disediakan oleh :**

**Cawangan Khutbah dan Latihan  
Bahagian Pengurusan Masjid  
Jabatan Agama Islam Wilayah Persekutuan**

**KELUARGA BAHAGIA DAMBAAN SEMUA**

15 November 2019M/ 18 Rabiulawal 1441H

إِنَّ الْحَمْدَ لِلَّهِ، مُحَمَّدُهُ وَنَسْتَعِينَهُ وَنَسْتَغْفِرُهُ وَنَتُوبُ إِلَيْهِ، وَنَعُوذُ بِاللَّهِ مِنْ شُرُورِ أَنْفُسِنَا وَمِنْ سَيِّئَاتِ أَعْمَالِنَا، مَنْ يَهْدِ اللَّهُ فَهُوَ الْمُهْتَدِ وَمَنْ يُضِلِّ فَلَنْ تَجِدَ لَهُ وَلِيًّا مُرْشِدًا.  
 أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ، اللَّهُمَّ صَلِّ وَسَلِّمْ عَلَى نَبِيِّنَا مُحَمَّدٍ وَعَلَى آلِهِ وَصَحْبِهِ وَمَنْ دَعَا بِدَعْوَتِهِ إِلَى يَوْمِ الدِّينِ.  
 أَمَّا بَعْدُ، فَيَا عِبَادَ اللَّهِ، اتَّقُوا اللَّهَ، أَوْصِيكُمْ وَنَفْسِي بِتَقْوَى اللَّهِ وَطَاعَتِهِ لَعَلَّكُمْ تُفْلِحُونَ.

أَعُوذُ بِاللَّهِ مِنَ الشَّيْطَانِ الرَّجِيمِ

وَالَّذِينَ يَقُولُونَ رَبَّنَا هَبْ لَنَا مِنْ أَزْوَاجِنَا وَذُرِّيَّاتِنَا قُرَّةَ أَعْيُنٍ وَاجْعَلْنَا لِلْمُتَّقِينَ

إِمَامًا ٧٤

**Sidang Jemaah yang dirahmati Allah,**

Marilah kita meningkatkan ketakwaan kepada Allah SWT dengan bersungguh-sungguh melaksanakan segala apa yang diperintahkan-Nya dan bertekad sepenuh hati meninggalkan segala larangan-Nya, mudah-mudahan dengan segala amalan yang dilaksanakan demi ketaatan selaku hamba Allah Yang Maha Esa, kita akan memperoleh keredhaan Allah di dunia serta dianugerahkan nikmat syurga di akhirat kelak.



Mimbar pada hari ini akan membicarakan sebuah khutbah yang bertajuk, **“Keluarga Bahgia Dambaan Semua”**.

**Sidang Jemaah yang dirahmati Allah,**

Allah SWT telah menciptakan setiap insan dengan fitrah yang suci. Dengan fitrah ini lahirlah perasaan ingin berkasih sayang serta naluri untuk berkeluarga. Umumnya, setiap insan pasti mempunyai impian dan harapan untuk memiliki keluarga yang bahagia. Namun, realitinya kita sering dikejutkan dengan berita menyedihkan berkaitan dengan keruntuhan institusi kekeluargaan. Berita seperti ini sedikit sebanyak mendedahkan kesan buruk akibat daripada kepincangan institusi keluarga yang sedang berlaku disekeliling kita.

Di antara faktor-faktor utama yang menjadi punca kepincangan institusi keluarga pada hari ini ialah:

**Pertama:** Tidak mentaati perintah Allah SWT yang mengakibatkan kehidupan berkeluarga tidak menurut syariat Islam seterusnya ahli keluarga terdedah kepada pengaruh negatif.

**Kedua:** Keruntuhan rumahtangga yang berpunca dari kurang ilmu berkaitan hal ehwal rumahtangga dikalangan pasangan suami dan isteri sehingga gagal memainkan peranan sebagai ayah dan ibu.

**Ketiga:** Ketua keluarga tidak berperanan sehingga agagal memikul tanggungjawab berkeluarga dan gagal mengawal emosi dalam setiap tindakan.



Dalam usaha membentuk keluarga bahagia, marilah kita merenung peringatan Allah SWT melalui firman Allah di dalam Surah At-Taghaabun ayat 14:

يَا أَيُّهَا الَّذِينَ ءَامَنُوا إِن مِّنْ أَرْوَاجِكُمْ وَأَوْلَادِكُمْ عَدُوًّا لَّكُمْ فَأَحْذَرُوهُمْ وَإِن تَعَفَّوْا وَتَصَفَّحُوا وَتَغْفِرُوا فَإِنَّ اللَّهَ غَفُورٌ رَّحِيمٌ

Bermaksud: “Wahai Orang Yang Beriman! Sesungguhnya ada di antara isteri-isteri kamu dan anak-anak kamu yang menjadi musuh bagimu, oleh itu berwaspada serta berjaga-jagalah kamu terhadap mereka dan jika kamu maafkan mereka dan tidak memarahi mereka serta mengampunkan kesalahan mereka (maka Allah akan berbuat demikian kepadamu), kerana sesungguhnya Allah Maha Pengampun Lagi Maha Mengasihani.”

### **Sidang jemaah yang dimuliakan Allah,**

Institusi keluarga yang asasnya terdiri dari ayah, ibu dan anak-anak, kesemuanya memainkan peranan penting. Segalanya bermula dengan pembinaan sahsiah dan peribadi sehingga melahirkan keluarga bahagia dan membentuk masyarakat yang hidup dalam keadaan aman serta harmoni dan akhirnya meningkatkan kualiti sosial negara yang sejahtera. Segalanya ini dapat dicapai apabila setiap ahli keluarga menjalani kehidupan berlandaskan syariat.

Justeru, mimbar ingin mengingatkan para jemaah sekalian berkenaan tanggungjawab yang perlu dilaksanakan oleh setiap insan yang bergelar ayah, ibu dan anak-anak seperti berikut:

### **Pertama: Tanggungjawab suami dan ketua keluarga.**



Seorang lelaki yang bergelar suami dan ayah wajib memikul tanggungjawab selaku ketua keluarga. Ketua keluarga berperanan untuk membuat perancangan dan menetapkan matlamat yang jelas untuk ahli keluarganya. Seorang ayah mestilah memastikan kehidupan keluarganya berpandukan syariat agar menjadi contoh ikutan terbaik dan berhasil mendidik isteri dan anak-anaknya dengan akhlak yang mulia.

Menjadi satu kewajipan bagi ketua keluarga untuk mencari nafkah yang halal bagi menjamin keberkatan hidup ahli keluarganya. Seterusnya, seorang ayah juga bertanggungjawab memastikan kesejahteraan keluarganya serta mengawal pergaulan ahli keluarganya dari pelanggaran syariat.

Letakkanlah pergantungan serta pengharapan kepada Allah sepenuhnya sepertimana doa Nabi Ibrahim AS yang terkandung melalui firman Allah dalam Surah Al-Furqan ayat 74:

وَالَّذِينَ يَقُولُونَ رَبَّنَا هَبْ لَنَا مِنْ أَزْوَاجِنَا وَذُرِّيَّاتِنَا قُرَّةَ أَعْيُنٍ وَاجْعَلْنَا لِلْمُتَّقِينَ

إِمَامًا ٧٤

Bermaksud: *“Dan mereka berdoa dengan berkata : “Wahai Tuhan Kami! Berilah kami beroleh dari isteri-isteri dan zuriat keturunan kami perkara-perkara yang menyukakan hati kami melihatnya, dan jadikanlah kami imam ikutan bagi orang-orang yang bertakwa.”*

### **Kedua: Tanggungjawab anak.**

Di antara tanggungjawab anak terhadap ibu bapanya adalah dengan mentaati suruhan dan nasihat mereka. Anak-anak juga perlu sentiasa meletakkan rasa hormat dengan bertutur menggunakan nada yang lembut



dan tidak sesekali menyakiti ibu bapa dengan bahasa yang kasar. Berusahalah melayani keduanya dengan lemah lembut dan penuh kasih sayang serta sentiasa menunjukkan kesediaan untuk membantu ibu bapa dalam apa jua perkara yang dilakukan.

Anak yang soleh adalah anak yang berbuat baik dan memuliakan ibu bapanya serta sentiasa mendoakan dan memohon keampunan untuk ibubapa sama ada ketika mereka masih hidup atau telah meninggal dunia.

### **Sidang jemaah yang dikasihi Allah,**

Setiap ahli keluarga bertanggungjawab untuk saling mewujudkan *mahabbah* dan *mawaddah* dalam keluarga. Saling berkomunikasi, bertoleransi dalam perbezaan dan perbincangan serta jujur menjadi asas perhubungan diantara ahli keluarga.

Asas kebahagiaan sesebuah keluarga bukanlah sekadar cukup makan minum, kemewahan tempat tinggal dan kehebatan pakaian, tetapi keluarga bahagia adalah nikmat yang dianugerahkan Allah melalui kebahagiaan dan ketenteraman hati setiap ahli keluarga. Justeru, setiap ahli keluarga yang mendambakan keluarga bahagia perlulah memahami dan memikul tanggungjawab masing-masing sepertimana peringatan Rasulullah SAW melalui hadith yang diriwayatkan oleh Imam an-Nasai' daripada Abdullah bin 'Amru RA:

أَنَّ رَجُلًا أَتَى النَّبِيَّ صَلَّى اللَّهُ عَلَيْهِ وَسَلَّمَ فَقَالَ إِنِّي جِئْتُ أَبَايُكَ عَلَى الْهَجْرَةِ وَلَقَدْ  
تَرَكْتُ أَبَوَيَّ يَبْكِيَانِ قَالَ ارْجِعْ إِلَيْهِمَا فَأَضْحِكُهُمَا كَمَا أَبْكَيْتَهُمَا

Bermaksud : “Seorang lelaki datang berjumpa Nabi SAW dan berkata: “Sesungguhnya aku datang untuk menyatakan taat setia kepadamu untuk



*berhijrah. Dan aku meninggalkan ibu bapakku dalam keadaan mereka menangis”, Nabi SAW bersabda: “Pulanglah kepada mereka dan gembirakanlah mereka, sepertimana engkau membuat mereka menangis.”*

### **Sidang jemaah yang dikasihi Allah,**

Akhir-akhir ini, timbul satu kecenderungan baru dikalangan anak-anak muda iaitu aktiviti menunggang basikal lajak. Tindakan anak-anak yang menjadikan jalan-jalan utama sebagai tempat menunggang basikal lajak menimbulkan kebimbangan dikalangan masyarakat. Spesifikasi basikal lajak yang telah diubahsuai bukan sahaja tidak mematuhi peraturan, bahkan membahayakan keselamatan mereka serta pengguna jalan raya yang lain.

Justeru, sebagai ibu bapa yang prihatin terhadap anak-anak, mimbar menasihatkan agar awasilah pergerakan anak-anak pada setiap waktu dan keadaan. Jadilah ibu bapa yang bertanggungjawab dalam memastikan kebajikan dan keselamatan anak-anak sentiasa terjaga dan terpelihara.

### **Sidang hadirin yang dikasihi sekalian,**

Mengakhiri khutbah pada hari ini, mimbar ingin mengajak kita untuk melihat tiga perkara berikut sebagai panduan dan pedoman bersama:

**Pertama:** Setiap insan dianugerahkan oleh Allah dengan fitrah untuk berkasih sayang dan memiliki keluarga bahagia.

**Kedua:** Keluarga bahagia lahir dari anggota keluarga bersahsiah tinggi sehingga dapat melahirkan masyarakat harmoni dan akhirnya meningkatkan kesejahteraan negara.



**Ketiga:** Setiap ahli keluarga yang terdiri dari ayah, ibu dan anak-anak mestilah memainkan peranan dan tanggungjawab masing-masing untuk mengukuhkan ikatan kekeluargaan.

Firman Allah SWT dalam Surah al-Nahl, ayat 72:

أَعُوذُ بِاللَّهِ مِنَ الشَّيْطَانِ الرَّجِيمِ

وَاللَّهُ جَعَلَ لَكُمْ مِنْ أَنْفُسِكُمْ أَزْوَاجًا وَجَعَلَ لَكُمْ مِنْ أَنْفُسِكُمْ بَنِينَ وَحَفَدَةً وَرَزَقَكُمْ مِنَ الطَّيِّبَاتِ أَفَبِالْبَاطِلِ يُؤْمِنُونَ وَبِنِعْمَتِ اللَّهِ هُمْ يَكْفُرُونَ ﴿٧٢﴾

Bermaksud : “Dan Allah menjadikan bagi kamu dari diri kamu sendiri pasangan-pasangan (isteri) dan dijadikan bagi kamu dari pasangan kamu, anak-anak dan cucu cicit, serta dikurniakan kepada kamu dari benda yang baik lagi halal, maka patutkah mereka (yang ingkar itu) percaya kepada perkara yang salah (penyembahan berhala), dan mereka kufur pula akan nikmat Allah? ”.

بَارَكَ اللَّهُ لِي وَلَكُمْ بِالْقُرْآنِ الْعَظِيمِ، وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ، وَتَقَبَّلَ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ. أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ، فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.





## KHUTBAH KEDUA

الْحَمْدُ لِلَّهِ رَبِّ الْعَالَمِينَ، وَالصَّلَاةُ وَالسَّلَامُ عَلَى سَيِّدِنَا مُحَمَّدٍ النَّبِيِّ الْأَمِينِ، وَعَلَى آلِهِ  
وَأَصْحَابِهِ الطَّاهِرِينَ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ.  
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ حَقَّ تَقَاتِهِ وَاعْلَمُوا أَنَّ اللَّهَ أَمْرُكُمْ بِأَمْرِ عَظِيمٍ، أَمْرُكُمْ  
بِالصَّلَاةِ وَالتَّسْلِيمِ عَلَى نَبِيِّهِ الْكَرِيمِ، فَقَالَ اللَّهُ تَعَالَى: إِنَّ اللَّهَ وَمَلَائِكَتَهُ يُصَلُّونَ عَلَى

النَّبِيِّ يَا أَيُّهَا الَّذِينَ آمَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾

اللَّهِمَّ صَلِّ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ كَمَا صَلَّيْتَ عَلَى سَيِّدِنَا إِبْرَاهِيمَ وَعَلَى آلِ  
سَيِّدِنَا إِبْرَاهِيمَ وَبَارِكْ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ كَمَا بَارَكْتَ عَلَى سَيِّدِنَا  
إِبْرَاهِيمَ وَعَلَى آلِ سَيِّدِنَا إِبْرَاهِيمَ فِي الْعَالَمِينَ إِنَّكَ حَمِيدٌ مَجِيدٌ.

وَارْضَ اللَّهُمَّ عَنِ الْخُلَفَاءِ الرَّاشِدِينَ وَعَنْ بَقِيَّةِ الصَّحَابَةِ أَجْمَعِينَ، وَعَنْ التَّابِعِينَ وَتَابِعِي  
التَّابِعِينَ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ وَارْضَ عَنَّا مَعَهُمْ يَا أَكْرَمَ الْأَكْرَمِينَ.  
اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ.



اللَّهُمَّ أَيْدٍ بِدَوَامِ التَّوْفِيقِ وَالْهُدَايَةِ وَالصِّحَّةِ وَالسَّلَامَةِ مَلِكْنَا كَبَاوَهُ دُوِي يَغْ مَهَا مُوَلِيَا  
سري فدوك بكنيدا يغ دفتوان اكوغ ، السلطان عبد الله رعاية الدين المصطفى  
بالله شاه ابن المرحوم سلطان حاج أحمد شاه المستعين بالله.

وَكَذَلِكَ كَبَاوَهُ دُوِي يَغْ مَهَا مُوَلِيَا سري فدوك بكنيدا راج فرمايسوري اكوغ،  
تونكو (Tunku) حاهه عزيزة امينة ميمونة إسكندرية بنت المرحوم المتوكل على  
الله سلطان إسكندر الحاج.

اللَّهُمَّ احْفَظْ عُلَمَاءَهُ وَوُزَرَائِهِ وَقُضَاتَهُ وَعُمَّالَهُ وَرَعَايَاهُ مِنَ الْمُؤْمِنِينَ وَ الْمُؤْمِنَاتِ بِرَحْمَتِكَ  
يَا أَرْحَمَ الرَّاحِمِينَ .

اللَّهُمَّ اجْعَلْ بَلَدَنَا مَالِيزِيَا آمِنًا مُطْمَئِنًّا، سَخَاءً رَخَاءً، دَارَ عَدْلِ وَإِيمَانٍ، وَأَمْنٍ وَأَمَانٍ،  
وَسَائِرَ بِلَادِ الْمُسْلِمِينَ .

اللَّهُمَّ أَعِزِّ الْإِسْلَامَ وَالْمُسْلِمِينَ ، وَدَمِّرْ أَعْدَاءَكَ أَعْدَاءَ الدِّينِ وَانصُرْ مَنْ نَصَرَ الدِّينَ،  
وَاخْذُلْ مَنْ خَذَلَ الْمُسْلِمِينَ، وَأَعْلِ كَلِمَتَكَ إِلَى يَوْمِ الدِّينِ .

يا الله، جاديكنله كامي اورغ ٢ يغ منديريكن صلاة سچارا برجماعه دان منونايكن زكاة  
ملاوعي فوست فوغوتن زكاة مجلس آكام إسلام ولايه فرسكوتوان سرتا رحمتيله كولوغن  
يغ منونايكن زكاة. جاديكنله اوسها MAIWP دالم مغانكيهكن زكاة دولايه فرسكوتوان  
سباكاي ساتولغكه يغ بركنس باكي ملقسن اصناف دري بلغكو كميكيكن.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ .  
عِبَادَ اللَّهِ،



إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ

وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٩٠﴾

فَاذْكُرُوا اللَّهَ الْعَظِيمَ يَذْكُرْكُمْ، وَاشْكُرُوا لَهُ عَلَىٰ نِعْمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ  
وَلَذِكْرُ اللَّهِ أَكْبَرُ، وَاللَّهُ يَعْلَمُ مَا تَصْنَعُونَ.